



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Građašćevića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

OPĆINSKO VIJEĆE

Na osnovu člana 13. stav 2. alineja 5. Zakona o principima lokalne samouprave FBiH („Službene novine FBiH“, broj 49/06), člana 24. stav 1. tačka 7. Statuta Općine Gradačac („Službeni glasnik općine Gradačac“, broj 4/08, 5/12 i 1/17) Općinsko vijeće Gradačac na sjednici održanoj dana _____ 2019.godine, d o n o s i

RJEŠENJE

o davanju saglasnosti na postignuti sporazum o naknadi i ustanovljenju prava služnosti

1. Daje se saglasnost na postignuti Sporazum o naknadi i ustanovljenju prava služnosti broj 08/2-31-3107/17-51 od 23.05.2019.godine kojim je u korist Općine Gradačac ustanovljena služnost prolaza pješice i svih vrsta motornih vozila, radi postavljanja i održavanja kanalizacionih cijevi ukupne dužine cca120,0 metar na zemljištu označenom kao :

-k.č.3543/1 „MALUŠA“ oranica/njiva 5. klase 7003 m2 upisana u p.l.4414 i el.zk.ul.2558 k.o.Građačac I kao posjed i vlasništvo Hasić rođ.Bristrić Nermin kći Zurahida sa dijelom 1/1

kao i da Općina Gradačac na ime naknade za pričinjenu štetu i dovođenje zemljišta u prvobitno stanje isplati vlasniku Hasić Nermini kći Zurahida jednokratnu naknadu u novčanom iznosu od 4.373,00 KM shodno procjeni vještaka poljoprivredne struke, u roku od 40 dana od dana zaključivanja Sporazuma.

2. Na osnovu potpisanog Sporazuma na predmetnoj nekretnini izvršit će se uknjižba ustanovljenog prava služnosti u zemljišnoj knjizi.

3. Odlukom Općinskog vijeća Gradačac broj 01-05-363/18 od 29.11.2018.godine utvrđen je javni interes za izgradnju kanalizacione mreže u sjevernom dijelu općine Gradačac, u okviru Projekta vodosnadbijevanja općine, na parcelama koje su navedene u prilogu Odluke i koje čine njen sastavni dio. Navedenom Odlukom je Općina Gradačac određena kao korisnik nepotpune eksproprijacije. Odlukom je obuhvaćena i predmetna k.č.broj 3543/1 k.o. Gradačac I kao posjed i vlasništvo Hasić Nermin kći Zurahida.

4. Rješenje stupa na snagu danom donošenja, a objavit će se u Službenom glasniku općine Gradačac.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
-OPĆINSKO VIJEĆE-

Broj:
Datum:

PREDSJEDAVAJUĆI
OPĆINSKOG VIJEĆA

Šakić Enir, prof.

O b r a z l o ž e n j e

Odlukom Općinskog vijeća Gradačac broj 01-05-363/18 od 29.11.2018.godine utvrđen je javni interes za izgradnju kanalizacione mreže u sjevernom dijelu općine Gradačac, u okviru Projekta vodosnadbijevanja općine, na parcelama koje su bile navedene u prilogu odluke i koje su činile njen sastavni dio.

Navedenom odlukom je Općina Gradačac određena kao korisnik nepotpune eskproprijacije.

Odlukom je obuhvaćena i predmetna k.č.broj 3543/1 k.o. Gradačac I posjed i vlasništvo Hasić Nermine kći Zurahida.

Službi za geodetske i imovinsko-pravne poslove obratila se Služba za urbanizam, investicije i komunalne poslove zahtjevom broj 06/3-28-570/15 od 15.12.2017.godine, u kojem je dostavljen glavni projekt izgradnje kanalizacione mreže u naselju Bagdale, Spreča dd Tuzla, Dec 2016, nakon revizije u Decembru 2017 a radi rješavanja imovinsko-pravnih odnosa.

Hasić Nermina kći Zurahida je dana, 31.01.2018.godine upoznata sa trasom kanalizacione mreže na k.č.3543/1 k.o.Gradačac I, te je ista na zapisnik izjavila da je saglasna da se u korist Općine osnuje služnost postavljanja kanalizacionih cijevi na predmetnoj nekretni, pod uslovom da se zemljište vrati u prvobitno stanje.

Dana, 25.03.2019.godine izvršen je uviđaj na k.č.3543/1 k.o.Gradačac I u prisustvu Hasić Muharema, supruga Hasić Nermine koja je vlasnik nekretnine.Hasić Muharem je izjavio na zapisnik da njegova supruga u svojoj prvobitnoj izjavi nije tražila naknadu, ali da kad je iskolčena trasa, vidljiva je sva šteta koja će nastati, te stoga želi da joj se ista i nadoknadi.

Dana, 29.03.2019.godine ponovo je izvršen uviđaj na k.č.3543/1 k.o.Gradačac I u prisustvu Hasić Muharema, supruga Hasić Nermine, a kojem je tada prisustvovao i sudski vještak poljoprivredne struke Duraković Šefik, koji je izvršio procjenu štete koja će nastati izvođenjem radova na izgradnji kanalizacione mreže.

Prema izvodu iz Projekta-Glavnog projekta kanalizacije u naselju Bagdale, općina Gradačac trasa planirane kanalizacione mreže prolazi od južnog prema sjevernom dijelu granice parcele k.č.br.3543/1 k.o.Gradačac I, u ukupnoj dužini od cca 120,0m, parcela je nepravilnog oblika.Profil cijevi je D=315 mm.Udaljenost trase od zapadne granice parcela je promjenjiva, od 2,30 do 18,90m.Dubina polaganja kanalizacione cijevi je na cca 1,0-2,30m(ovisno o terenu).Na parceli su planirana 3 šahta, br.76, 77 i 78.Planirana širina iskopa je cca 1,0 m.

Shodno procjeni vještaka poljoprivredne struke, Duraković Šefika vlasniku k.č.3543/1 „MALUŠA“ oranica/njiva 5. klase 7003 m² k.o.Gradačac I Hasić rođ.Bristrić Nermini kći Zurahida je potrebno isplatiti naknadu u novčanom iznosu od 4.373,00 KM.

Na poziciji 821111 Nabava zemljišta (821111/1 Naknade za eksproprijaciju zemljišta) za 2019.godinu planirana su sredstva u iznosu od 150.000 KM.

Članom 23. Zakona o eksproprijaciji („Službene novine FBiH“, broj 70/07, 36/10, 25/12 i 34/16) propisano je da „*prije podnošenja prijedloga za eksproprijaciju korisnik eksproprijacije je dužan pokušati sa vlasnikom nekretnine sporazumno riješiti sticanje prava vlasništva na određenom nekretninom.*“

Članom 13. stav 2. alineja 5. Zakona o principima lokalne samouprave FBiH kao i članom 24. stav 1. tačka 7. Statuta Općine Gradačac je određeno da *općinsko vijeće donosi odluke o upravljanju i raspolaganju imovinom jedinice lokalne samouprave.*

Pouka o pravnom lijeku:

Protiv ovog rješenja se ne može izjaviti žalba, ali se može pokrenuti upravni spor tužbom kod nadležnog Kantonalnog suda u Tuzli, u roku od 30 dana od dana prijema rješenja.

Tužba se podnosi neposredno sudu.